



Este **domingo 23 de maio** percorrерemos outra etapa do **CAMIÑO PRIMITIVO** que, aínda que marca o inicio da cultura xacobeá universal e transcorre por lugares de interese histórico e ambiental, é obxecto de innumerábeis alteracións que merecen ser coñecidas e denunciadas.

O punto de

inic

io

d

o roteiro será o núcleo de

Paradavella

, pertencente ao concello de A Fonsagrada, no que poderemos contemplar algúns exemplos da arquitectura tradicional desta área de montaña.

Avanzando pola vertente oriental da Serra da Lastra, entraremos nas terras do concello de Baleira, no que destaca o casarío de Degolada, que delimitaba fai séculos o “Condado de Naviensis”. Superando a cota 800 acadaremos o núcleo de San Xoán de Lastra, onde os peregrinos preparábanse para o ascenso ao alto da Fontaneira (950 m), lugar cunha igrexa adicada a Santiago.

O topónimo da Fontaneira alude a que este é o lugar de nacemento do río Neira, e corresponde ademais á divisora das cuncas doutros ríos: o Eo e o Navia. Na baixada á Vaganta do Trabeiro o camiño pasa polo Monte das Cruces, que albergou no pasado un camposanto, e continúa cara ao Campo da Matanza. Neste lugar foron descubertos a finais do século XIX varios enterramentos e restos de armamento que poderían derivar, segundo algunhas hipóteses, das loitas con tropas musulmanas que se agochaban na garganta chamada A Trincheira.

Dende a Matanza, contemplando a beleza do Val do Neira, báixase á moderna capitalidade do Concello de Baleira: O Cádavo. Se as forzas dos camiñantes o permiten, poderíase continuar o roteiro e, coroando a serra da Vacariza na Cruz de Pedra (840 m), entrar en terras do concello de Castroverde e chegar ao lugar de Vilabade, que conta con importantes elementos patrimoniais.

O roteiro ten unha lonxitude próxima aos 14 km (algúns máis se se continúa ata Vilabade).

Pode considerarse de **dificultade media**, polas súas frecuentes subidas e baixadas.

Non se descartan pequenas modificacións do trazado descrito, que agardemos saibades desculpar.

PREZOS

Normal..... 15 €

Estudantes, xubilad@s e no paro....12 €

Socios/as.....10 €

Até 17 anos..... 5 €

O punto de encontro será diante da **Escola de Maxisterio de Lugo** ás 9 da mañá. Prégase puntualidade e o aviso previo no caso de non poder asistir. Imprescindible anotarse chamando ao 679113718 (Mari Luz), ou ao 982240299 (ADEGA-Lugo)

PRÓXIMO ROTEIRO DE ADEGA LUGO (máis información en www.adega.gal):

20 Xuño: Costa da Morte

